



~ 和18
1687
10



1687
10

甲
申
日

田舎
田舎
田舎
田舎

詩宗申集卷十七

律詩 七言一百六十三首

奉和初春幸太平公主南莊應制 李嶠

主家山第接雲開
天子春遊動地來
羽騎參差花外
轉霓旌搖曳日邊迴
還將石溜調琴曲
更取峯霞入酒杯
鸞輅已辭烏鵲渚
簫聲猶繞鳳凰臺

太平公主山亭侍燕應制

黃金瑞榜絳河隈
白玉仙輿紫禁來
碧樹青岑雲外
聳朱樓畫壁水中開
龍舟下瞰鮫人室
羽節高臨鳳女臺
遽惜歡娛歌吹晚
揮戈更却曜靈回

上唐

奉和人日宴大明宮賜綵縷人勝

鳳城景色已含韶，人日風光倍覺饒。
桂吐半輪迎此夜，蓂開七葉應今朝。
魚猜冰凍行猶澀，鶯喜春聲弄欲嬌。
愧奉登高搖綵縷，欣逢御氣上丹霄。

奉和幸安樂公主山莊應制

宗楚客

玉樓銀榜枕嚴城，翠蓋紅旂列禁營。
日映層巖圖畫色，風搖雜樹管絃聲。
水邊重閣含飛動，雲裏孤峯類削成。
幸覩八龍遊閬苑，無勞萬里訪蓬瀛。

大酺

杜審言

毗陵震澤九州通，士女歡娛萬國同。
伐鼓撞鐘驚海

上新羅袷服，照江東。梅花落處疑殘雪，柳葉開時任好風。
火德雲官逢道泰，天長地久屬年豐。

守歲侍燕應制

季冬除夜接新年，帝子王臣捧御筵。
宮闕銀河低拂樹，殿庭燈燭上薰天。
彈絃奏節梅風入，對局揆鈎柏酒傳。
欲向正元歌萬壽，暫畱歡賞寄春前。

古意○樂府作獨不見

沈佺期

盧家少婦鬱金堂，海燕雙飛玳瑁梁。
九月寒砧催木葉，十年征戍憶遼陽。
白狼河北音書斷，丹鳳城南秋夜長。
誰爲含愁獨不見，更教明月照流黃。

龍池篇

龍池躍龍龍已飛龍德先天天不違池開天漢分黃
道龍向天門入紫微邸第樓臺多氣色君王鳧鴈有
光輝爲報寰中百川水來朝此地莫東歸

興慶池侍宴應制

碧水澄潭映遠空紫雲香駕御微風漢家城闕疑天
上秦地山川似鏡中向浦迴舟萍已綠分林蔽殿槿
初紅古來徒羨橫汾賞今日宸遊聖藻雄

侍宴安樂公主新宅應制

皇家貴主好神仙別業初開雲漢邊山出盡如鳴鳳

嶺池成不讓飲龍川
粧樓翠幌教春住
舞閣金鋪借日懸
敬從乘輿來此地
稱觴獻壽樂鈞天

奉和春初幸太平公主南莊應制

主家山第早春歸御輦春遊遶翠微
買地鋪金曾作埽尋河取石舊支機
雲間樹色千花滿竹裏泉聲百道飛
自有神仙鳴鳳曲併將歌舞報恩暉

奉和立春游苑迎春

東郊蹙轉迎春仗上苑初飛行慶杯
風射蛟冰千片斷氣衝魚鑰九關開
林中覓草纔生蕙殿裏爭花併是梅
歌吹銜恩歸路晚樓烏半下鳳城來

紅樓院應制

紅樓疑見白毫光寺逼宸居福盛唐支遁愛山情漫
切曇摩泛海路空長經聲夜息聞天語爐氣晨飄接
御香誰謂此中難可到自憐淡院得徊翔

再入道場紀事應制○拾遺又作僧廣宣詩

南方歸去再生天內殿今年異昔年見闢乾坤新定
位看題日月夏高懸行隨香輦登仙路坐近爐煙講
法筵自喜恩深陪侍從兩朝長在聖人前

遙同杜員外審言過嶺

天長地闊嶺頭分去國離家見白雲洛浦風光何所

似崇山瘴癘不堪聞南浮漲海人何處北望衡陽鴈
幾羣兩地江山萬餘里何時重謁聖明君

奉和春初幸太平公主南莊應制 宋之問

青門路接鳳凰臺素滻宸遊龍騎來澗草自迎香輦
合巖花應待御筵開文移北斗成天象酒近南山作
壽杯此日侍臣將石去共歡明主賜金迴

三陽宮石淙侍宴應制

離宮祕苑勝瀛洲別有仙人洞壑幽巖邊樹色含風
冷石上泉聲帶雨秋鳥向歌筵來度曲雲依帳殿結
爲樓微臣昔忝方明御今日還陪八駿遊

奉和立春遊苑迎春

李適

金輿玉輦迎嘉節御苑仙宮待獻春
淑氣初銜梅色淺條風半拂柳牆新
天杯慶壽齊南岳聖藻光輝動北辰
稍覺披香歌吹近龍驂薄暮下城闈

侍燕安樂公主新宅應制

趙彥昭

六龍齊軫御朝曦雙鷁維舟下綠池
飛觀仰看雲外聳浮橋直見海中移
靈泉巧鑿天孫渚孝筍能抽帝女枝
幸願一生同草樹年年歲歲樂於斯

和立春日內出綵花樹

劉憲

禁苑韶年此日歸東郊道上轉青旂
柳色梅芳何處

所風前雪裏覓芳菲開冰池內魚新躍
剪綵花間燕始飛欲識王遊布陽氣為觀天藻競春輝

興慶池侍宴應制

韋元夏

滄池滌沆帝城邊殊勝昆明鑿漢年
夾岸旌旂疏輦道中流簫鼓振樓船
雲峯四起迎宸幄水樹千重入御筵
宴樂已淡魚藻咏承恩更欲奏甘泉

幸安樂公主山莊應制

銀河南渚帝城隅帝輦平明出九衢
刻鳳蟠螭凌桂邸穿池壘石寫蓬壺
璫簫暫下釣天樂綺綴長懸明月珠
仙榜承恩爭既醉方知朝野更歡娛

奉和聖製春日幸望春宮

馬懷素

綵旄與俯碧潯行春御氣發皇心搖風細柳繁馳
道映日輕花出禁林通野園亭開帝幕連堤草樹狎
衣簪謬參西掖霑堯酒願沐南薰解舜琴

奉和春初幸太平公主南莊應制

邵昇

沁園佳麗奪蓬瀛翠壁紅泉繞上京二聖忽從鸞殿
幸雙仙正下鳳樓迎花含步輦空聞出樹雜惟宮畫
裏成無路藥槎窺漢渚徒知訪卜問君平

侍燕安樂公主新宅應制

蘇頌

駸駸羽騎歷城池帝女樓臺向晚披露灑旌旗雲外

出風迴巖岫雨中移當軒半落天河水遶徑全低月
樹枝簫鼓宸遊陪燕日和鳴雙鳳喜來儀

奉和春日幸望春宮應制

東望望春春可憐更逢晴日柳含烟宮中下見南山
盡城上平臨北斗懸細草偏承迴輦處飛花故落舞
觴前宸遊對此歡無極鳥弄歌聲雜管絃

奉和初春幸太平公主南莊應制

主第山門起灞川宸遊風景入初年鳳凰樓下交天
仗烏鵲橋頭敞御筵往往花間逢綵石時時竹裏見
紅泉今朝扈蹕平陽館不羨乘槎雲漢邊

奉和春日幸望春宮

張說

別館芳菲上苑東，飛花淡蕩御筵紅。
城臨渭水天河靜，闕對南山雨露通。
繞殿流鶯凡幾樹，當蹊亂蝶許多叢。
春園既醉心和樂，共識皇恩造化同。

幽州新歲作

去歲荆南梅似雪，今年剡北雪如梅。
共知人事何嘗定，且喜年華去復來。
邊鎮戍歌連日動，京城燎火徹明開。
遙遙西向長安日，願上南山壽一杯。

滙湖山寺

空山寂歷道心生，虛谷迢迢野鳥聲。
禪室從來雲外

賞香臺豈是世中情，雲間東嶺千重出。
樹裏南湖一片明，若使巢由同此意，不將蘿薜易簪纓。

遙同蔡起居偃松篇

清都衆木總榮芬，傳道孤松最出羣。
名接天庭多景色，氣連宮闕借氛氲。
懸池的的停華露，偃蓋重重拂瑞雲。
不惜流膏助仙鼎，願將楨幹捧明君。

奉和春日出苑遊矚應令

禁林豔裔發青陽，春望迢迢出畫堂。
雨洗亭臯千畝綠，風吹梅李一園香。
鶴飛不去隨清管，魚躍翻來入綵航。
矚賞歡承天保定，適文更覩日重光。

奉和立春日內出綵花樹

武平一

鑿輅青旂下帝臺東郊上苑望春來黃鶯未解林間
轉紅蕊先從殿裏開畫閣條風初變柳銀塘曲水半
含苔欣逢睿藻光韶律更促霞觴畏景催

九日

張諤

秋天林下不知春一種佳遊事也均絳葉從朝飛着
夜黃花開日未成旬將橫陌樹頻驚馬半醉歸途數
問人城遠登高併九日茱萸凡作幾年新

奉和春日出苑矚目應令

賈曾

銅龍曉關問安迴金輅春遊博望開渭水晴光搖草

樹終南佳氣入樓臺招賢已從商山老托乘還徵鄴
下才臣在東周獨畱滯忻逢睿藻日邊來

聞鄰家理箏

徐安貞

北斗橫天夜欲闌愁人倚月思無端忽聞畫閣秦箏
逸知是鄰家趙女彈曲成虛憶青蛾斂調急遙憐玉
指寒銀鎖重關聽未闌不如眠去夢中看

登安陽城樓

孟浩然

縣城南面漢江流江嶂開成南雍州才子乘春來騁
望羣公暇日坐銷憂樓臺晚映青山郭羅綺晴嬌綠
水洲向夕波搖明月動更疑神女弄珠遊

登萬歲樓

萬歲樓頭望故鄉，獨令鄉思更茫茫。
天寒鴈度堪垂淚，月落猿啼欲斷腸。
曲引古堤臨凍浦，斜分遠岸近枯楊。
今朝偶見同袍友，却喜家書寄八行。

除夜有懷

五更鐘漏欲相催，四氣推遷往復迴。
帳裏殘燈纔去，焰爐中香氣盡成灰。
漸看春逼芙蓉枕，頓覺寒銷竹葉杯。
守歲家家應未臥，相思那得夢魂來。

登金陵鳳凰臺

李白

鳳凰臺上鳳凰遊，鳳去臺空江自流。
吳宮花草埋幽

徑，晉代衣冠成古丘。
三山半落青天外，二水中分白鷺洲。
摠爲浮雲能蔽日，長安不見使人愁。

送賀監歸四明應制

久辭榮祿遂初衣，曾向長生說息機。
眞設自從茅氏得，恩波應許洞庭歸。
瑤臺含霧星辰滿，仙嶠浮雲島嶼微。
借問欲栖珠樹鶴，何年却向帝城飛。

別中都兄明府

吾兄詩酒繼陶君，試宰中都天下聞。
東樓喜奉連枝會，南陌愁爲落葉分。
城隅綠水明秋日，海上青山隔暮雲。
取醉不辭留夜月，鴈行中斷惜離羣。

題東溪公幽居

杜陵賢人清且廉東溪卜築歲將淹宅近青山同謝
眺門垂碧柳似陶潛好鳥迎春歌後院飛花送酒舞
前簷客到但知畱一醉盤中祇有水精鹽

鸚鵡洲

鸚鵡來過吳江水江上洲傳鸚鵡名鸚鵡西飛隴山
去芳洲之樹何青青煙開蘭葉香風起岸夾桃花錦
浪生遷客此時徒極目長洲孤月向誰明

送魏萬之京

李頎

朝聞遊子唱驪歌昨夜微霜初度河鴻鴈不堪愁裏

聽雲山况是客中過關城曙色催寒近御苑砧聲向
晚多莫見長安行樂處空令歲月易蹉跎

送司勳盧員外

流斲臘月下河陽草色新年發建章秦地立春傳太
史漢宮題柱憶仙郎歸鴻欲度千門雪侍女新添五
夜香早晚薦雄文似者故人今已賦長楊

送李回

知君官屬大司農詔幸驪山職事雄歲發金錢供御
府畫看仙液注離宮千巖曙雪旌門上十月寒花輦
路中不覩聲名與文物自傷流滯去關東

題璿公山池

遠公遁跡廬山岑
開士幽居祇樹林
片石孤峯窺色相
清池皓月照禪心
指揮如意天花落
坐臥閑房春草深
此外俗塵都不染
惟餘玄度得相尋

寄綦母三○或作錢起詩

新加大邑綬仍黃
近與單車去洛陽
顧眄一過丞相府
風流三接令公香
南川粳稻花侵縣
西嶺雲霞色滿堂
共道進賢蒙上賞
看君幾歲作臺郎

宿瑩公禪房聞梵

花宮仙梵遠微微
月隱高城鐘漏稀
夜動霜林驚落

葉曉聞天籟發清機
蕭條已入寒空靜
颯沓仍隨秋雨飛
始覺浮生無住著
頓令心地欲歸依

題盧五舊居

物在人亡無見期
閒庭繫馬不勝悲
牕前綠竹生空地
門外青山如舊時
悵望秋天鳴墜葉
嶺岈枯柳宿寒鷗
憶君淚落東流水
歲歲花開知為誰

五日觀妓

萬楚

西施謾道浣春紗
碧玉今時鬪麗華
眉黛奪將萱草色
紅裙妒殺石榴花
新歌一曲令人豔
醉舞雙眸斂鬢斜
誰道五絲能續命
却令今日死君家

黃鶴樓

崔顥

昔人已乘白雲去此地空餘黃鶴樓黃鶴一去不復返白雲千載空悠悠晴川歷歷漢陽樹芳草萋萋鸚鵡洲日暮鄉關何處是煙波江上使人愁

行經華陰

峒嶢太華俯咸京天外三峯削不成武帝祠前雲欲散仙人掌上雨初晴河山北枕秦關險驛路西連漢時平借問路傍名利客無如此處學長生

鴈門胡人歌

高山代郡東接燕鴈門胡人家近邊解放胡鷹逐塞

鳥能將代馬獵秋田山頭野火寒多燒霧裏孤峯溼作煙聞道遼西無鬪戰時時醉向酒家眠

望薊門

祖詠

燕臺一去客心驚笙鼓喧喧漢將營萬里寒光生積雪三邊曙色動危旌沙場烽火侵胡月海畔雲山擁薊城少小雖非投筆吏論功還欲請長纓

九日登望僊臺呈劉嗣府

崔署

漢文皇帝有高臺此日登臨曙色開三晉雲山皆北向二陵風雨自東來關門令尹誰能識河上仙翁去不回且欲近尋彭澤宰陶然共醉菊花杯

奉和劉採訪縉雲南嶺作

庾光先

百越城池枕海圻永嘉山水復相依懸蘿弱篠垂清
淺宿雨朝暎和翠微鳥訝山經傳不盡花隨月令數
仍稀幸陪謝客題詩句誰與王孫此地歸

和賈至舍人早朝大明宮之作

王維

絳幘雞人報曉籌尚衣方進翠雲裘九天閭闔開宮
殿萬國衣冠拜冕旒日色纔臨仙掌動香烟欲傍哀
龍浮朝罷須裁五色詔珮聲歸到鳳池頭

和太常韋主簿五郎溫泉寓目之作

漢主離宮接露臺秦川一半夕陽開青山盡是朱旗

繞碧澗翻從玉殿來新豐樹裏行人度小苑城邊獵
騎迴聞道甘泉能獻賦懸知獨有子雲才

大同殿生玉芝龍池上有慶雲百官共覩聖恩
優賜燕樂敢書即事

欲笑周文歌燕鎬還輕漢武樂橫汾豈知玉殿生三
秀詎有銅池出五雲陌上堯尊傾北斗樓前舜樂動
南薰共歡天意同人意萬歲千秋奉聖君

奉和聖製從蓬萊向興慶閣道中畱春雨中春
望之作應制

渭水自縈秦塞曲黃山舊遶漢宮斜鑾輿迴出千門

詩宗 卷之四
柳閣道迴看上苑花雲裏帝城雙鳳闕雨中春樹萬
人家爲乘陽氣行時令不是宸遊玩物華

勅賜百官櫻桃

芙蓉闕下會千官紫禁朱櫻出上闌摠是寢園春薦
後非關御苑鳥銜殘歸鞍競帶青絲籠中使頻傾赤
玉盤飽食不須愁內熱大官還有蔗漿寒

勅借岐王九成宮避暑應制

帝子遠辭丹鳳闕天書遙借翠微宮隔窻雲霧生衣
上卷幔山川入鏡中林下水聲喧笑語巖前樹色隱
房櫳仙家未必能勝此何事吹簫向碧空

酌酒與裴迪

酌酒與君君自寬人情反覆似波瀾白首相知猶按
劍朱門先達笑彈冠草色全經細雨濕花枝欲動春
風寒世事浮雲何足問不如高臥且加餐

出塞作

居延城外獵天驕白草連天野火燒暮雲空磧時驅
馬秋日平原好射鵬護羌校尉朝乘障破虜將軍夜
度遼玉靶角弓珠勒馬漢家將賜霍嫖姚

酬郭給事

洞門高閣霽餘暉桃李陰陰柳絮飛禁裏疎鐘官舍

言宗
晚省中啼鳥吏人稀晨搖玉佩趨金殿夕奉天書拜
瑣闥強欲從君無那老將因臥病解朝衣

積雨輞川莊作

積雨空林煙火遲蒸藜炊黍餉東菑漠漠水田飛白
鷺陰陰夏木轉黃鸝山中習靜觀朝槿松下清齋折
露葵野老與人爭席罷海鷗何事更相疑

春日與裴迪過新昌里訪呂逸人不遇

桃源一面絕風塵柳市南頭訪隱淪到門不敢題凡
鳥看竹何須問主人城上青山如屋裏東家流水入
西鄰閉戶著書多歲月種松皆作老龍鱗

過乘如禪師蕭居士嵩丘蘭若

無着天親弟與兄嵩丘蘭若一峯晴食隨鳴磬巢鳥
下行踏空林落葉聲迸水定侵香案濕雨花應共石
牀平淡洞長松何所有儼然天竺古先生

送楊少府貶郴州

明到衡山與洞庭若爲秋月聽猿聲愁看北渚三湘
遠惡說南風五兩輕青草瘴時過夏口白頭浪裏出
溢城長沙不久留才子賈誼何須弔屈平

早秋山中作

無才不敢累明時忠向東溪守故籬豈厭尚平婚嫁

言宗 卷中集
早却嫌陶令去官遲
草間蟲響臨秋急
山裏蟬聲薄暮悲
寂寞柴門人不
到空林獨與白雲期

西塞山下迴舟作

陶峴

匡廬舊業是誰主
吳越新居安此生
白髮數莖歸未得
青山一望計還成
鴉翻楓葉夕陽動
鷺立蘆花秋水明
從此捨舟何所詣
酒旗歌扇正相迎

奉和聖製從蓬萊向興慶閣道中留春雨中春

望之作應制

李愷

別館春還淑氣催
三宮路轉鳳凰臺
雲飛北闕輕陰散
雨歇南山積翠來
御柳遙隨天仗發
林花不待曉

風開已知聖澤深
無限夏喜年芳入
睿才

奉和春日幸望春宮

閻朝隱

勾芒人面乘兩龍
道是春神衛九重
綵勝年年逢七日
醑醑歲歲滿千鍾
宮梅間雪祥光遍
城柳含烟御氣濃
醉到君前情未盡
願因歌舞自爲容

田家即事

儲光羲

桑柘悠悠水蘸堤
晚風晴景不妨犁
高機猶織臥蠶子
下坂饑逢餉籃妻
杏色滿林羊酪熟
麥涼浮壠雉媒低
生時樂死皆由命
事在旻天迴不迷

登萬歲樓

王昌齡

江上巍巍萬歲樓不知經歷幾千秋年年喜見山長
在日日悲看水獨流狼狽何曾離莫嶺鷓鴣空自泛
寒洲誰堪登望雲烟裏向晚茫茫發旅愁

早朝大明宮呈兩省僚友

賈至

銀燭朝天紫陌長禁城春色曉蒼蒼千條弱柳垂青
瑣百轉流鶯繞建章劍珮聲隨玉墀步衣冠身惹御
爐香共沐恩波鳳池上朝朝染翰侍君王

東平別前衛縣李宋少府

高適

黃鳥翩翩楊柳垂春風送客使人悲怨別自驚千里
外論交却憶十年時雲開汶水孤帆遠路遠梁山正

馬遲此地從來可乘興畱君不住益淒其

送李少府貶峽中王少府貶長沙

嗟君此別意何如駐馬銜杯問謫居巫峽啼猿數行
淚衡陽歸鴈幾封書青楓江上秋天遠白帝城邊古
木疎聖代卽今多雨露暫時分手莫躊躇

夜別韋司士得城字

高館張燈酒復清夜鐘殘月鴈歸聲只言啼鳥堪求
侶無那春風欲送行黃河曲裏沙爲岸白馬津邊柳
向城莫怨他鄉暫離別知君到處有逢迎

和賈至舍人早朝大明宮之作

岑參

雞鳴紫陌曙光寒
鶯囀皇州春色闌
金闕曉鐘開萬戶
玉階僊仗擁千官
花迎劔佩星初落
柳拂旌旂露未乾
獨有鳳凰池上客
陽春一曲和皆難

和祠部王員外雪後早朝卽事

長安雪後似春歸
積素凝華連曙輝
色借玉珂迷曉騎
光添銀燭晃朝衣
西山落月臨天仗
北闕晴雲捧禁闈
聞道仙郎歌白雪
由來此曲和人稀

西掖省卽事

西掖重雲開曙暉
北山疎雨點朝衣
千門柳色連青瑣
三殿花香入紫微
平明端笏陪鸞列
薄暮垂鞭信

馬歸官拙自悲頭
白盡不如巖下偃荆扉

九日使君席奉餞衛中丞赴長水

節使橫行西出師
鳴弓擐甲羽林兒
臺上霜威凌草木
軍中殺氣傍旌旗
預知漢將宣威日
正是胡塵欲滅時
爲報使君多泛菊
更將絃管醉東籬

使君席夜送嚴河南赴長水

嬌歌急管映青絲
銀燭金杯映翠睂
使君地主能相送
河尹天明坐莫辭
春城月出人皆醉
野戍花深馬去遲
寄聲報爾山翁道
今日河南勝昔時

首春渭西郊行呈藍田張二主簿

回風度雨渭城西細草新花踏作泥秦女峯頭雪未
盡胡公陂上日初低愁窺白髮羞微祿悔別青山憶
舊溪聞道朝川多勝事玉壺春酒正堪攜

秋夕讀書幽興獻兵部李侍郎

年紀蹉跎四十強自憐頭白始爲郎雨滋苔蘚侵塔
綠秋颯梧桐覆井黃驚蟬也解求高樹旅鴈還應厭
後行覽卷試穿鄰舍壁明燈何惜借餘光

暮春虢州東亭送李司馬歸扶風別廬

柳鞦韆嬌花復殷紅亭綠酒送君還到來函谷愁中
月歸去磻溪夢裏山簾前春色應須惜世上浮名好

是間西望鄉關腸欲斷對君衫袖淚痕斑

題張氏隱居

杜甫

春山無伴獨相求伐木丁丁山更幽澗道餘寒歷冰
雪石門斜日到林丘不貪夜識金銀氣遠害朝看麋
鹿遊乘興杳然迷出處對君疑是泛虛舟

城西陂泛舟

青蛾皓齒在樓船橫笛短簫悲遠天春風自信牙檣
動遲日徐看錦纜牽魚吹細浪搖歌扇燕蹴飛花落
舞筵不有小舟能盪漿百壺那送酒如泉

和賈至舍人早朝大明宮

言宗
五夜漏聲催曉箭九重春色醉仙桃旌旗日暖龍蛇
動宮殿風微燕雀高朝罷香煙携滿袖詩成珠玉在
揮毫欲知世掌絲綸美池上于今有鳳毛

紫宸殿退朝口號

戶外昭容紫袖垂雙瞻御座引朝儀香飄合殿春風
轉花覆千官淑景移晝漏稀聞高閣報天顏有喜近
臣知宮中每出歸東省會送夔龍集鳳池

曲江

一片花飛減却春風飄萬點正愁人且看欲盡花經
眼莫厭傷多酒入脣江上小堂巢翡翠苑邊高塚臥

麒麟細推物理須行樂何用浮名絆此身

朝回日日典春衣每日江頭盡醉歸酒債尋常行處
有人生七十古來稀穿花蛺蝶深深見點水蜻蜓款
款飛傳語風光共流轉暫時相賞莫相違

曲江對酒

苑外江頭坐不歸水精宮殿轉霏微桃花細逐楊花
落黃鳥時兼白鳥飛縱飲久拚人共棄懶朝真與世
相違吏情更覺滄洲遠老大徒悲未拂衣

曲江值雨

城上春雲覆苑牆江亭晚色靜年芳林花着雨臙脂

言宗
詩集
落水符牽風翠帶長龍武新軍淡駐輦芙蓉別殿謾
焚香何時詔此金錢會暫醉佳人錦瑟傷

九日藍田崔氏莊

老去悲秋強自寬興來今日盡君歡羞將短髮還吹
帽笑倩偷天爲整冠藍水遠從千澗落玉山高竝兩
峯寒明年此會知誰健醉把茱萸仔細看

曲江陪鄭八丈南史飲

雀啄江頭楊柳花鷓鴣滿晴沙自知白髮非春
事且盡芳尊戀物華近侍只今難浪迹此身那得更
無家丈人才力猶強健豈傷青門學種瓜

題省中壁

掖垣竹埤梧十尋洞門對雪常陰陰落花遊絲白日
靜鳴鳩乳燕青春淡腐儒衰晚謬通籍退食遲回違
寸心衰職曾無一字補許身愧比雙南金

題鄭縣亭子

鄭縣亭子澗之濱戶牖憑高發興新雲斷岳蓮臨大
路天晴宮柳暗長春巢邊野雀羣欺燕花底山蜂遠
趁人更欲題詩滿青竹晚來幽獨恐傷神

宣政殿退朝晚出左掖

天門日射黃金榜春殿晴曛赤羽旗宮草霏霏承委

佩爐烟細細駐游絲雲近蓬萊常五色雪殘鳩鵲亦
多時侍臣緩步歸青瑣退食從容出每遲

恨別

洛陽一別四千里胡騎長驅五六年草木變衰行劔
外兵戈阻絕老江邊忠家步月清宵立憶弟看雲白
日眠聞道河陽近乘勝司徒急爲破幽燕

蜀相

丞相祠堂何處尋錦官城外柏森森映階碧草自春
色隔葉黃鸝空好音三顧頻繁天下計兩朝開濟老
臣心出師未捷身先死長使英雄淚滿襟

堂成

背郭堂成蔭白茅綠江路熟俯青郊楹林礙日吟風
葉籠竹和煙滴露梢暫止飛鳥將數子頻來語燕定
新巢傍人錯比揚雄宅懶惰無心作解嘲

南鄰

錦里先生烏角巾園收芋栗未全貧慣看賓客兒童
喜得食堦除鳥雀馴秋水纔添四五尺野航恰受兩
三人白沙翠竹江邨暮相送柴門月色新

野老

野老籬前江岸迴柴門不正逐江開漁人網集澄潭

下賈客船隨返照來長路關心悲劔閣片雲何意傷
琴臺王師未報收東郡城闕秋生畫角哀

江村

清江一曲抱村流長夏江村事事幽自去自來堂上
燕相親相近水中鷗老妻畫紙為碁局稚子敲針作
釣鉤多病所須惟藥物微軀此外更何求

和裴迪登蜀州東亭送客逢早梅相憶見寄

東閣官梅動詩興還如何遜在揚州此時對雪遙相
憶送客逢春可自由幸不折來傷歲暮若為看去亂
鄉愁江邊一樹垂垂發朝夕催人白白頭

卜居

浣花溪水水西頭主人為卜林塘幽已知出郭少塵
事更有澄江銷客愁無數蜻蜓齊上下一雙鷗鷺對
沉浮東行萬里堪乘興須向山陰上小舟

狂夫

萬里橋西一草堂百花潭水即滄浪風含翠篠娟娟
淨雨裊紅蕖冉冉香厚祿故人書斷絕恆飢稚子色
淒涼欲填溝壑唯疎放自笑狂夫老更狂

送韓十四江東省觀

兵戈不見老萊衣嘆息人間萬事非我已無家尋弟

詩宗
六甲集
妹君今何處訪庭闈黃牛峽靜灘聲轉白馬江寒樹影稀此別應須各努力故鄉猶恐未同歸

客至

舍南舍北皆春水但見羣鷗日日來花逕不曾緣客掃蓬門今始爲君開盤飧市遠無兼味尊酒家貧只舊醅肯與鄰翁相對飲隔籬呼取盡餘杯

野望

西山白雪三城戍南浦清江萬里橋海內風塵諸弟隔天涯涕淚一身遙唯將遲暮供多病未有涓埃答聖朝跨馬出郊時極目不堪人事日蕭條

野人送朱櫻

西蜀櫻桃也自紅野人相贈滿筠籠數回細寫愁仍破萬顆勻圓訝許同憶昨賜霑門下省退朝擎出大明宮金盤玉筋無消息此日嘗新任轉蓬

嚴公仲夏枉駕草堂兼携酒饌得寒字

竹裏行廚洗玉盤花邊立馬簇金鞍非關使者徵求急自識將軍禮數寬百年地僻柴門迴五月江深草閣寒看弄漁舟移白日老農何有罄交歡

江上值水如海勢聊短述

爲人性癖耽佳句語不驚人死不休老去詩篇渾漫

興春來花鳥莫淡愁新添水檻供垂釣故著浮槎替
入舟焉得忠如陶謝手令渠述作與同遊

涪城縣香積寺官閣

寺下春江淡不流山腰官閣迴添愁含風翠壁孤雲
細昔日丹楓萬木稠小院迴廊春寂寂浴鳥飛鷺晚
悠悠諸天合在藤蘿外昏黑應須到上頭

玉臺觀

中天積翠玉臺遙上帝高居絳節朝遂有馮夷來擊
鼓始知羸女善吹簫江光隱見鼉鼉窟石勢參差鳥
鵲橋更有紅顏生羽翰僂應黃髮老漁樵

登樓

花近高樓傷客心萬方多難此登臨錦江春色來天
地玉壘浮雲變古今北極朝廷終不改西山寇盜莫
相侵可憐後主還祠廟日暮聊爲梁甫吟

九日登高

風急天高猿嘯哀渚清沙白鳥飛迴無邊落木蕭蕭
下不盡長江滾滾來萬里悲秋常作客百年多病獨
登臺艱難苦恨繁霜鬢潦倒新停濁酒杯

送王十五判官扶侍還黔中

大家東征逐子回風生洲渚錦帆開青青竹筍迎船

出白白江魚入饌來離別不堪無限意艱危深仗濟
時才黔陽信使應稀少莫怪頻頻勸酒杯

遣悶戲呈路十九曹長

江浦雷聲喧昨夜春城雨色動微寒黃鸝並坐交愁
濕白鷺羣飛太劇乾晚節漸於詩律細誰家數去酒
杯寬惟君最愛清狂客百遍相過意未闌

聞官軍收河南河北

劍外忽傳收薊北初聞涕淚滿衣裳却看妻子愁何
在漫卷詩書喜欲狂白首放歌須縱酒青春作伴好
還鄉即從巴峽穿巫峽便下襄陽向洛陽

院中晚晴懷西郭茅舍

幕府秋風日夜清淡雲疎雨過高城葉心朱實堪時
落堦面青苔先自生復有樓臺銜暮景不勞鍾鼓報
新晴浣花溪裏花饒笑肯信吾兼吏隱名

宿府

清秋幕府井梧寒獨宿江城蠟炬殘永夜角聲悲自
語中天月色好誰看風塵在莽音書絕關塞蕭條行
路難已忍伶俜十年事強移棲息一枝安

將赴荆南寄別李劍州弟

使君高詔驅今古寥落三年坐劍州但見文翁能化

蜀馬知李廣不封侯路經灩澦雙蓬鬢天入滄浪一
釣舟戎馬相逢更何日春風回首仲宣樓

將赴成都草堂途中有作先寄嚴鄭公

竹寒沙碧浣花溪橘刺藤梢咫尺迷過客徑須愁出
入居人不自解東西書籤藥裏封蛛網野店山橋送
馬蹄肯藉荒庭春草色先拚一飲醉如泥

暮登四安寺鐘樓寄裴十迪

暮倚高樓對雪峯僧來不語自鳴鐘孤城返照紅將
斂近市浮煙翠且重多病獨愁常閱寂故人相見未
從容知君苦思緣詩瘦太向交游萬事慵

諸將

洛陽宮殿化為烽休道秦關百二重滄海未全歸禹
貢薊門何處盡堯封朝廷哀職誰爭補天下軍儲不
自供稍喜臨邊王相國肯銷金甲事春農

撥悶

聞道雲安麴米春纔傾一盞即醺人乘舟取醉非難
事下峽銷愁定幾巡長年三老遙憐汝捩柁開頭捷
有神已辦青錢防雇直當令美味入吾脣

秋興

玉露凋傷楓樹林巫山巫峽氣蕭森江間波浪兼天

湧塞上風雲接地陰叢菊兩開他日淚孤舟一繫故
園心寒衣處處催刀尺白帝城高急暮砧
夔府孤城落日斜每依北斗望京華聽猿實下三聲
淚奉使虛隨八月槎畫省香爐違伏枕山樓粉堞隱
悲笳請看石上藤蘿月已映洲前蘆荻花

千家山郭靜朝暉日日江樓坐翠微信宿漁人還汎
汎清秋燕子故飛飛匡衡抗疏功名薄劉向傳經心
事違同學少年多不賤五陵衣馬自輕肥

聞道長安似奕碁百年世事不勝悲王侯第宅皆新
主文武衣冠異昔時直北關山金鼓振征西車馬羽

書遲魚龍寂寞秋江冷故國平居有所思

蓬萊宮闕對南山承露金莖霄漢間西望瑤池降王
母東來紫氣滿函關雲移雉尾開宮扇日遶龍鱗識
聖顏一臥滄江驚歲晚幾回青瑣點朝班

昆明池水漢時功武帝旌旗在眼中織女機絲虛夜
月石鯨鱗甲動秋風波漂菰米沉雲黑露冷蓮房墜
粉紅關塞極天惟鳥道江湖滿地一漁翁

瞿塘峽口曲江頭萬里風煙接素秋花萼夾城通御
氣芙蓉小苑入邊愁珠簾綉柱圍黃鵠錦纜牙檣起
白鷗迴首可憐歌舞地秦中自古帝王州

昆吾御宿自逶迤紫閣峯陰入漢陂香稻啄餘鸚鵡
粒碧梧棲老鳳凰枝佳人拾翠春相問仙侶同舟晚
更移綵筆昔曾干氣象白頭吟望苦低垂

吹笛

吹笛秋山風月清誰家巧作斷腸聲風飄律呂相和
切月傍關山幾處明胡騎中宵堪北走武陵一曲想
南征故園楊柳今搖落何得愁中却盡生

客舍秋夜

露下天高秋水清空山獨夜旅魂驚疎燈自照孤帆
宿新月猶懸雙杵鳴南菊再逢人臥病北書不至鴈

無情步檐倚杖看牛斗銀漢遙應接鳳城

詠懷古跡

支離東北風塵際漂泊西南天地間三峽樓臺淹日
月五溪衣服共雲山羯胡事主終無賴詞客哀時且
未還庾信平生最蕭瑟暮年詩賦動江關

搖落淡知宋玉悲風流儒雅亦吾師悵望千秋一洒
淚蕭條異代不同時江山故宅空文藻雲雨荒臺豈
夢忠最是楚宮俱泯滅舟人指點到今疑

羣山萬壑赴荆門生長明妃尚有村一去紫臺連朔
漠獨留青塚向黃昏畫圖省識春風面環珮空歸月

夜魂千載琵琶作胡語分明怨恨曲中論

蜀主窺吳幸三峽崩年亦在永安宮翠華想像空山裏玉殿虛無野寺中古廟杉松巢水鶴歲時伏臘走村翁武侯祠屋長鄰近一體君臣祭祀同

諸葛大名垂宇宙宗臣遺像肅清高三分割據紆籌策萬古雲霄一羽毛伯仲之間見伊呂指揮若定失蕭曹運移漢祚終難復志沒身殲軍務勞

閣夜

歲暮陰陽催短景天涯霜雪霽寒宵五更鼓角聲悲壯三峽星河影動搖野哭千家聞戰伐夷歌幾處起

漁樵臥龍躍馬終黃土人事音書謾寂寥

白帝

白帝城中雲出門白帝城下雨翻盆高江急峽雷霆鬪古木蒼藤日月昏戎馬不如歸馬逸千家今有百家存哀哀寡婦誅求盡慟哭秋原何處村

小至

天時人事日相催冬至陽生春又來刺繡五紋添弱線吹葭六琯動飛灰岸容待臘將舒柳山意衝寒欲放梅雲物不殊鄉國異教兒且覆掌中杯

愁

江草日日喚愁生
巫峽泠泠非世情
盤渦鷺浴底心性
獨樹花發自分明
十年戎馬暗南國
異域賓客老孤城
渭水秦山得見否
人今罷病虎縱橫

返照

楚王宮北正黃昏
白帝城西過雨痕
返照入江翻石壁
歸雲擁樹失山村
衰年肺病唯高枕
絕塞愁時早閉門
不可久留豺虎亂
南方實有未招魂

送李八祕書赴杜相公墓

青簾白舫益州來
巫峽秋濤天地迴
石出倒聽楓葉下
櫓搖背指菊花開
貪趨相府今晨發
恐失佳期後

命催南極一星朝
北斗五雲多處是三台

見螢火

巫山秋夜螢火飛
簾疎巧入坐人衣
忽驚屋裏琴書冷
復亂檐前星宿稀
却遶井欄添箇箇
偶經花蕊弄輝輝
滄江白髮愁看汝
來歲如今歸未歸

覃山人隱居

南極老人自有星
北山移文誰勒銘
徵君已去獨松菊
哀聲無光留戶庭
予見亂離不得已
子知出處必須經
高車駟馬帶傾覆
悵望秋天虛翠屏

九日

重陽少飲杯中酒抱病起登江上臺竹葉於人既無
分菊花從此不須開殊方日落玄猿哭舊國霜前白
鴈來弟妹蕭條各何在干戈衰謝兩相催

崔評事弟許相迎不到應慮老夫見泥雨怯出
必愆佳期走筆戲簡

江閣邀賓許馬迎午時起坐自天明浮雲不負青春
色細雨何孤白帝城身過花間露濕好醉於馬上往
來輕虛疑皓首衝泥怯實少銀鞍傍險行

曉發公安

北城擊柝復欲罷東方明星亦不遲鄰雞野哭如昨

日物色生能幾時舟楫眇然自此去江湖遠適無
前期出門轉眄已陳迹藥餌扶吾隨所之

暮歸

霜黃碧梧白鶴棲城上擊柝復烏啼客子入門月皎
皎誰家搗練風淒淒南渡桂水闕舟楫北歸秦川多
鼓鼙年過半百不稱意明日看雲還杖藜

江陵節度使陽城郡王新樓成王請嚴侍御判
官同作

西北樓成雄楚都遠開山嶽散江湖二儀清濁還高
下三伏炎蒸定有無推轂幾年惟鎮靜曳裾終日盛

詩宗 卷之四
文儒白頭授簡焉能賦愧似相如爲大夫

小寒食舟中作

佳辰強飲食猶寒隱几蕭條戴鶻冠春水船如天上
坐老年花似霧中看娟娟戲蝶過閑幔片片輕鷗下
急湍雲白山青萬餘里愁看直北是長安

巴嶺答杜二見憶

嚴武

臥向巴山落月時兩鄉千里夢相思可但步兵偏愛
酒也知光祿最能詩江頭赤葉楓愁客籬外黃花菊
對誰跋馬望君非一度冷猿秋鴈不勝悲

杜侍御送貢物戲贈

張謂

銅柱朱崖道路難伏波橫海舊登壇越人自貢珊瑚
樹漢使何勞獬豸冠疲馬山中愁日晚孤舟江上畏
春寒由來此貨稱難得多恐君王不忍看

西亭子言懷

數叢芳草在堂陰幾處閒花映竹林樹上玄猿呼郡
吏沙邊白鳥應家禽青山看景知高下流水聞聲覺
淺淡官屬不令拘禮數時時緩步一相尋

春園家宴

南園春色正相空大婦同行少婦隨竹裏登樓人不
見花間覓路鳥先知櫻桃解結垂簷子楊柳能低入

戶枝山簡醉來歌一曲參差笑殺郢中兒

寄杜甫

郭受

新詩海內流傳久舊德朝中屬望勞郡邑地卑饒霧
雨江湖天闊足波濤松花酒熟傷看醉蓮葉舟中自
學操春興不知凡幾首衡陽紙價頓能高

同皇甫齊年春望見示之作

獨孤及

望遠思歸心易傷况將衰鬢偶年光時攀芳樹愁花
盡書掩書齋覺日長堪比流波辭舊浦忍看新草過
橫塘因君贈我江楓咏春事如今未易量

喜辱韓十四郎中書兼示近詩

各牽于役間遊遨獨坐相思正鬱陶長跪讀書心暫
緩短章投我曲何高官情緣木知非願王事敦人敢
告勞所嗟在官成遠別徒言峙水劣容舫

酬賈都縣見贈

愛君修政若修身鰥寡來歸乳雉馴堂上五絃消暇
日邑中千室有陽春謂桑鳧鳥朝天子却媿豬肝累
主人辭後讀君懷縣作定知二歲字猶新

送薛補闕入朝

鮑防

平原門下十餘人獨受恩多未殺身每嘆陸家兄弟
少憂憐楊氏子孫貧柴門豈斷施行馬魯酒那堪醉

詩宗 卷十七
近臣賴有軍中遺令在猶將談笑對風塵

漁父

張志和

八月九月蘆花飛南溪老人垂釣歸秋山入簾翠滴
滴野艇倚檻雲依依却把魚竿尋小徑閑梳鶴髮對
斜暉翻嫌四皓曾多事出爲儲皇定是非

詩宗申集卷十七

詩宗申集卷十八

律詩 七言二百一十六首

長沙過賈誼宅

劉長卿

三年謫宦此栖遲萬古惟留楚客悲秋草獨尋人去
後寒林空見日斜時漢文有道恩猶薄湘水無情弔
豈知寂寂江山搖落處憐君何事到天涯

登餘干古城

孤城上與白雲齊萬古蕭條楚水西官舍已空秋草
沒女牆猶在夜烏啼平沙渺渺迷人遠落日亭亭向
客低飛鳥不知陵谷變朝來暮去弋陽溪

中唐

言集
獻淮寧軍節度李相公

建牙吹角不聞喧三十登壇衆所尊
家散萬金訓士死身留一劔答君恩
漁陽老將多回席魯國諸生半在門
白馬翩翩春草綠邵陵西去獵平原

使次安陸寄友人

新年草色遠萋萋久客將歸問路蹊
暮雨不知湏口處春風只到穆陵西
孤城盡日空花落三戶無人自鳥啼
君在江南相憶否門前五柳幾枝低

自夏口至鸚鵡洲望岳陽寄阮中丞

汀洲無浪復無煙楚客相思益渺然
漢口夕陽斜度

鳥洞庭秋水遠連天孤城背嶺寒
吹角獨戍臨江夜泊船賈誼上書憂漢室
長沙謫去古今憐

贈別嚴士元○鼓吹作李嘉祐詩

春風倚棹闔閭城水國春寒陰復晴
細雨溼衣看不見閒花落地聽無聲
日斜江上孤帆影草綠湖南萬里情
東道若逢相識問青袍今已誤儒生

送陸澧倉曹西上

長安此去欲何依先達誰當薦陸機
日下鳳翔雙闕迴雪中人去二陵稀
舟從故里難移棹家在寒塘獨掩扉
臨水自傷流落久贈君空有淚霑衣

青溪口送人歸岳州

洞庭何處鴈南飛
江菘蒼蒼客去稀
帆帶夕陽千里沒
天連秋水一人歸
黃花裛露開沙岸
白鳥銜魚上釣磯
歧路相逢無可贈
老年空有淚霑衣

送馬秀才落第歸江南

南客懷歸鄉夢頻
東門悵別柳條新
殷勤斗酒城陰暮
蕩漾孤舟楚水春
湘竹舊斑忠帝子
江蘼初綠怨騷人
憐君此去未得意
陌上愁看淚滿巾

送李錄事兄歸襄陽

十年多難與君同
幾處移家逐轉蓬
白首相逢征戰

後青春已過
亂離中行人杳杳
看西月歸馬蕭蕭
向北風漢水楚雲
千萬里天涯此別
恨無窮

北歸入至德州界偶逢洛陽鄰家李光宰

生涯心事已蹉跎
舊路依然此重過
近北始知黃葉落
向南空見白雲多
炎州日日人將老
寒渚年年水自波
華髮相逢俱若是
故園秋草復如何

將赴嶺外畱題蕭寺遠公院

竹房遙閉上房幽
苔徑蒼蒼訪昔遊
內史舊山空日暮
南朝古木向人秋
天香月色同僧室
葉落猿啼傍客舟
此去播遷明主意
白雲何事畱相畱

題靈祐和尚故居

嘆逝翻悲有此身
禪房寂寞見流塵
多時行運空秋
草幾日浮生哭故人
風竹自吟遙入磬
雨花隨淚共沾巾
殘經牕下依然在
憶得山中問許詢

觀校獵上淮西相公

龍驤校獵邵陵東
野火初燒楚澤空
師事黃公千載後
身騎白馬萬人中
笳隨晚吹迎邊草
箭沒寒雲落塞鴻
三十擁旄誰不羨
周郎少小立奇功

訓屈突陝

落葉紛紛滿四鄰
蕭條環堵絕風塵
鄉看秋草歸無

路家對寒江病且貧
藜杖懶迎征騎客
菊花能醉去官人
憐君計畫誰知者
但見蓬蒿空沒身

相使君第七男生日

娶妻生子復生男
獨有君家衆所談
荀氏八龍唯欠一
桓生四鳳已過三
他時幹蠱聲名著
今日懸弧宴樂酣
誰道衆賢能繼體
須知箇箇出於藍

燕李錄事

韋應物

與君十五侍皇闈
曉拂爐香上赤墀
花開漢苑經過處
雪下驪山沐浴時
近臣零落今猶在
仙駕飄飄不可期
此日相逢思舊日
一杯成喜又成悲

言宗
自鞏洛舟行入黃河卽事寄府縣僚友

夾水蒼山路向東
東南山豁大河通
寒樹依微遠天
外夕陽明滅亂
流中孤村幾歲
臨伊岸一鴈初
晴下朔風爲報
洛橋遊宦侶扁
舟不繫與心同

寓居灋上精舍寄于張二舍人

萬木叢雲出香閣
西連碧澗竹林園
高齋獨宿遠山
曙微霰下庭寒
雀喧道心淡泊
對流水生事蕭
條空掩門時憶
故交那得見曉
排閭闔奉明恩

寄李儋元錫

去年花裏逢君別
今日花開又一年
世事茫茫難自

料春愁黯黯獨成眠
身多疾病思田里
邑有流亡愧俸錢
聞道欲來相問訊
西樓望月幾回圓

寄答祕書王丞

相看頭白來城闕
却憶漳溪舊往還
今體詩中偏出
格常參官裏每同
班街西借宅多臨
水馬上逢人亦
說山芸閣水曹雖
至冷與君相喜得
身閒

送張八元秀才擢制往上都應制

沒勝文場戰已酣
行應辟命復才堪
旅食不辭遊闕
下春衣未換報江
南天邊宿鳥生歸
思關外晴山滿
夕嵐立馬欲從何
處別都門楊柳正
毵毵

獻薛僕射

秦系

由來那敢議輕肥散髮行歌自采薇
逋客未能忘野興辟書翻遣脫荷衣
家中匹婦空相笑池上羣鷗盡欲飛
夏乞大賢容小隱益看愚谷有光輝

送宮人入道○誤入韋應物集

張蕭遠

捨寵求仙畏色衰辭天素面立天墀
金丹擬駐千年貌寶鏡休勻八字眉
師主與裝珠翠後君王看戴角冠時
從來宮女皆相妒聞向瑤臺總淚垂

同溫丹徒登萬歲樓

皇甫冉

高樓獨上思依依極浦遙山含翠微
江客不堪頻北

望塞鴻何事又南飛丹陽古渡寒煙積
瓜步空洲遠樹稀聞道王師猶轉戰
誰能談笑解重圍

秋日東郊作

閑看秋水心無事坐對寒松手自栽
廬岳高僧留偈別葑山道士寄書來
燕知社日辭巢去菊爲重陽冒雨開
淺薄將何稱獻納臨歧終日獨裴回

送李錄事赴饒州

北人南去雪紛紛鴈叫汀洲不可聞
積水長天隨遠客荒城極浦足寒雲
山從建業千峯出江至潯陽九派分
借問督郵纔弱冠府中年少不如君

使往壽州淮路寄劉長卿

榛草荒涼村落空，驅馳卒歲亦何功。
蒹葭曙色蒼蒼遠，蟋蟀秋聲處處同。
鄉路遙知淮浦外，故人多在楚雲東。
日夕煙霜那可道，壽陽西去木無窮。

館陶李丞舊居

盛名天下挹餘芳，棄置終身不拜郎。
詞藻世傳平子賦，園林人比鄭公鄉。
門前墜葉浮秋水，籬外寒皋帶夕陽。
日日青松成古木，祇應來者爲心傷。

早朝日寄所知

皇甫曾

長安雪後見歸鴻，紫禁朝天拜舞同。
曙色漸分雙闕

下漏聲遙在百花中，爐煙乍起開仙仗。
玉珮成行引上公，共荷發生同雨露。
不應黃葉久從風。

奉寄中書王舍人

腰金載筆謁承明，至道安禪得此生。
西掖幾年綸綍貴，東山遙夜薜蘿情。
風傳刻漏星河曙，月上梧桐雨露清。
聖主好文誰爲薦，閉門空賦子虛成。

張芬見訪郊居作

林中雨散早涼生，已有迎秋促織聲。
三逕荒蕪羞對客，十年衰老愧稱兄。
愁心自惜江籬晚，世事方看木槿榮。
君若罷官攜手去，尋山莫計白雲程。

秋夕寄懷契上人

已見槿花朝委露，獨悲孤鶴在人羣。眞僧出世心無事，靜夜名香手自焚。窓臨絕澗聞流水，客至孤峯掃白雲。夏想清晨誦經處，獨看松上雪紛紛。

和李員外扈駕幸溫泉宮

錢起

未央月曉度疎鍾，鳳輦時巡出九重。雪霽山門迎瑞日，雲開水殿候飛龍。輕寒不入宮中樹，佳氣長浮仗外峯。遙羨枚皋扈仙蹕，偏承霄漢渥恩濃。

贈闕下裴舍人

二月黃鸝飛上林，春城紫禁曉陰陰。長樂鐘聲花外

盡龍池柳色，雨中淡陽和不散。窮途恨霽，漢常懸捧日心。獻賦十年猶未遇，羞將白髮對華簪。

和王員外晴雪早朝

紫微晴雪帶恩光，繞仗偏隨鴛鴦行。長信月留寧避曉，空春花滿不飛香。獨看積素凝清禁，已覺輕寒讓太陽。題柱盛名兼絕唱，風流誰繼漢田郎。

宴曹王宅

賢王駟馬退朝初，小苑三春帶雨餘。林沼蔥蘢多貴氣，樓臺隱映接天居。仙雞引敵穿紅藥，宮燕銜泥落綺疏。自嘆平生相識願，何如今日廁應徐。

言宗
登劉賓客高齋

能以功成疎寵位不將心賞負雲霞林間客散孫弘
閣城上山空綺季家蝴蝶晴連池岸草黃鸝晚出柳
園花日陪鯉也趨文苑誰道門生隔絳紗

樂遊原晴望上中書李侍郎

爽氣朝來萬里清憑高一望九愁輕不知鳳沼霖初
霽但覺堯天日轉明四野山河通遠色千家砧杵動
秋聲遙想青雲丞相府何時開閣引書生

送張員外出牧岳州

鳳凰銜詔與何人善政多才寵寇恂臺下鴛鴦爭送

遠岳陽雲樹待行春自憐黃閣知音在不厭形樵出
守頻應笑馮唐衰且拙世情相見白頭新

送裴頓侍御使蜀

柱史纔年四十強髭髯玄髮美清揚朝天繡服乘恩
貴出使星輶滿路光錦水繁花添麗藻蛾眉明月引
飛觴多才自有雲霄望計日應追鴛鴦行

山中訓楊補闕見過

日暖風恬種藥時紅泉翠壁薜蘿垂幽溪鹿過苔還
靜溪樹雲來鳥不知青瑣同心多逸興春山載酒遠
相隨却慚身外牽纓冕未勝尊前倒接羅

言宗
三
七盤路阻寇聞李端公先到南楚

日暮窮途淚滿襟
雲天南望羨飛禽
阮腸暗與孤魂斷
江水遙連別恨深
明月既能通憶夢
青山何用隔同心
秦楚眼看成絕國
相患一寄白頭吟

夜宿靈臺寺寄郎士元

西日橫山含碧空
東方吐月滿禪宮
朝瞻雙頂青冥上
夜宿諸天色界中
石潭倒影蓮花水
塔院空聞松柏風
萬里故人能尚爾
知君視聽我心同

石門春暮

自笑鄙夫多野性
貧居數畝半臨湍
溪雲雜雨來茅

屋山雀將雛傍藥欄
仙籙滿床閑不厭
陰符在篋老羞看
更憐童子空春服
花裏尋師到杏壇

春日燕王起城東別業

郎士元

柳陌乍隨洲勢轉
花源忽傍竹陰開
能令瀑水清人境
直取流鶯送酒杯
山下古松當綺席
檐前片雨滴春苔
地主同聲復同舍
畱連不與夕陽催

酬王季友題半日村別業兼呈李明府

村映寒原日已斜
烟生密竹早歸鴉
長溪南路當羣岫
半景東隣照數家
門通小逕連芳草
馬飲春泉踏淺沙
欲待主人林上月
還思潘令縣中花

贈錢起秋夜宿靈臺寺見寄

石林精舍虎溪東，夜扣禪扉謁遠公。
月在上方諸品靜，心持半偈萬緣空。
蒼苔古道行應遍，落木寒泉聽不窮。
更憶雙峯最高頂，此心期與故人同。

盍少府新除江南尉問風俗

問君作尉向江潭，吳越風烟到自諳。
客路尋常隨竹影，人家大抵傍山嵐。
綠溪花木偏宜遠，避地衣冠盡向南。
猶有夜猿啼海樹，思鄉望國意難堪。

送孫德諭罷官往黔州

苗發

中歲分符典石城，兩朝趨陛謁承明。
闕下昨陳歸老

疏，天南今切去鄉情。
親知握手三回別，几杖扶身萬里行。
伯道暮年無嗣子，欲將家事托門生。

同題仙遊觀

韓翃

仙臺初見五城樓，風物淒淒宿雨收。
山色遠連秦樹晚，磴聲近報漢宮秋。
疎松影落空壇靜，細草春生小洞幽。
何用別尋方外去，人間亦自有丹丘。

送冷朝陽還上元

青絲纜引木蘭船，名遂身歸拜慶年。
落日澄江鳥旆外，秋風疎柳白門前。
橋通小市家林近，山帶平湖野寺連。
別後依依寒食裏，共君携手在東田。

送王光輔歸青州兼寄儲侍御

幾回奏事建章宮，聖主偏知漢將功。
身著紫衣趨闕下，口銜丹詔出關東。
蟬聲驛路秋山裏，草色河橋落照中。
遠憶故人滄海別，當年好躍五花驄。

送李少府入蜀

行行獨出故關遲，南望千山無盡期。
見舞巴童應蹙笑，聞歌蜀道又堪悲。
孤城晚閉清江上，疋馬寒嘶白露時。
別後此心君自見，山中何事不相思。

送鄭員外

風流不減杜陵時，五十為郎未是遲。
孺子亦知名下

士樂人爭唱卷中詩，身齊吏部還多醉。
心願尚書自有期，要路眼看知已在。
不應窮巷久低眉。

題張逸人園林

花源一曲映茅堂，清論閑階坐夕陽。
塵尾手中毛已脫，蟹螯樽上味初香。
春淡黃口羣窺樹，雨後青苔散點牆。
更道小山空助賞，呼兒舒簟醉巖房。

和程員外春日東郊即事

包何

郎官休浣憐遲日，野老歡娛為有年。
幾處折花驚蝶夢，數家留葉待蠶眠。
藤垂宛地縈珠履，泉長侵堦浸綠錢。
直到開關朝謁去，鶯聲不散柳含煙。

言宗
答寶拾遺臥病見寄

包信

今春扶病移滄海幾度承恩對白花送客屢聞檐外
鵲消愁已辨酒中蛇瓶收枸杞懸泉水鼎鍊芙蓉伏
火砂誤入塵埃牽吏役羞將簿領到君家

同皇甫冉登重玄閣

李嘉祐

高閣朱闌不厭遊蒹葭白水遶長洲孤雲獨鳥川光
暮萬井千山海氣秋清梵林中人轉靜夕陽城上角
偏愁誰堪遠作秦吳別離恨歸心雙淚流

宋州東登望題武陵驛

梁宋人稀鳥自啼登艦一望倍含悽白骨半隨河水

去黃雲猶傍郡城低平陂戰地花空落舊苑春田草
未齊明主頻移虎符去幾時行縣向黔黎

早秋京口旅泊贈張侍御

移家避寇逐行舟厭見南徐江水流吳地征徭非舊
日秣陵凋弊不勝秋千家閉戶無砧杵七夕何人望
斗牛只有同時驄馬客偏題尺牘問窮愁

蘇臺至望亭驛人家盡空悵然有作寄從弟紆
南浦菰蒲覆白蘋東吳黎庶逐黃巾野棠自發空流
水江燕初歸不見人遠樹依依如送客平田渺渺獨
傷春那堪回首長洲苑烽火年年報虜塵

言宗
子中集
暮春空陽郡齋愁坐忽在劉七侍御詩因以酬

答

子規夜夜啼
櫺葉遠道逢春半是愁
芳草伴人還易老
落花隨水亦東流
山當埤堦常多雨
地近瀟湘與及秋
惟羨君爲周柱史
手持黃紙到滄洲

送宋中舍遊江東

孤城郭外送王孫
越水吳洲共爾論
野寺山邊斜有徑
漁家竹裏半開門
青楓獨映搖前浦
白鷺閒飛過遠村
若到西陵征戰處
不看秋草自傷魂

夏夜宿表兄宅話舊

竇叔向

夜合花開香滿庭
夜淡微雨醉初醒
遠書珍重何曾達
舊事淒涼不可聽
去日兒童皆老大
昔年親友半凋零
明朝又是孤舟別
愁見河橋酒幔青

長安春望

盧綸

東風吹雨過青山
却望千門草色閑
家在夢中何日到
春來江上幾人還
川原繚繞浮雲外
宮闕參差落照間
誰念爲儒逢世難
獨將衰鬢客秦關

晚次鄂州

雲開遠見漢陽城
猶是孤帆一日程
估客晝眠知浪靜
舟人夜語覺潮生
三湘愁鬢逢秋色
萬里歸心對

言宗
月明舊業已隨征戰盡更堪江上鼓鼙聲

至德中途中書事寄李憫

亂離無處不傷情况復看碑到古城路遠寒山人獨
去月臨秋水鴈空驚顏衰重喜歸鄉國身賤多慚問
姓名今日主人還共醉應憐世故一儒生

酬暢當嵩山尋麻道士見寄○三體作岑參詩

間逐樵夫閒看碁忽逢人世是秦時開雲種玉嫌山
淺渡海傳書怪鶴遲陰洞石幢微有字古壇松樹半
無枝煩君遠示青囊錄願得相從一問師

訓李端野寺病居見寄

野寺昏鐘山色陰亂藤高竹水聲淡農夫就餉還依
草野雉驚飛不過林齋沐暫忠同靜室清羸已覺助
禪心寂寞日長誰問疾料君唯取古方尋

和王員外冬夜寓直

高步長裾錦帳郎居然自是漢賢良潘岳敘年因鬢
髮揚雄託諫在文章九天韶樂飄寒月萬戶香塵裊
夜霜坐見重門儼朝騎可憐雲路好翱翔

奉和太常王卿訓李舍人中書寓直春夜對月
見寄

露如輕雨月如霜不見星河見鴈行虛暈入池波自

汎滿輪當苑桂偏香春臺幾望黃龍闕雲路寧分白
玉郎是夜巴歌應金石豈殊螢影對清光

洛陽早春憶吉中孚校書司空曙主簿因寄清

江上人

值迴逢高駐馬頻雪晴閒看洛陽春鶯聲報遠同芳
信柳色邀歡似故人酒貌昔將花共豔鬢毛今與草
爭新年來百事皆無緒唯與湯師結淨因

早春歸盤屋舊居寄耿漳李端

野日初晴麥隴分竹園村巷鹿成羣萬家廢井生秋
草一樹繁花對古墳引水忽驚冰滿澗向田空見石

和雲可憐荒歲青山下惟有松枝可贈君

送信州姚使君

朱轡徐轉擁羣官猿鳥無聲郡宇寬楚國上腴收賦
重漢家良牧得人難銅鉛滿穴山能富鴻鴈連羣地
亦寒幾日政聲聞外戶九江行旅得相歡

宿淮浦憶司空文明

李端

愁心一倍長離憂夜忠千重戀舊游秦地故人成遠
夢楚天涼雨在孤舟諸溪近海潮皆應獨樹邊淮葉
盡流別恨轉淡何處寫前程唯有一登樓

夜投豐德寺謁液上人○鼓吹作盧綸詩

詩宗 不白集
半夜中峯有磬聲偶逢樵者問山名上方月曉聞僧
語下界林疎見客行野鶴巢邊松最老毒龍潛處水
偏清愿得遠公知姓字焚香洗鉢過餘生

題元注林園

謝家門館似山林碧石青苔滿樹陰乳鵲晒巢花巷
靜鳴鳩鼓翼竹園淡桔槔轉水兼通藥方丈留僧共
聽琴獨有野人箕踞慣過君始得一長吟

長安曉望寄程補闕

司空曙

迢遞山河擁帝京參差宮殿接雲平風吹曉漏經長
樂柳帶晴烟出禁城天淨笙歌臨路發日高車馬隔

塵行獨有淺才甘未達多慚名在魯諸生

南原望漢宮

荒原空有漢宮名衰草茫茫雉堞平連鴈下時秋水
在行人過盡暮煙生西陵歌吹何年別南陌登臨此
日情故事悠悠不可問寒禽野水自縱橫

酬李端校書見贈

綠槐垂穗乳烏飛忽憶山中獨未歸青鏡流年看髮
變白雲芳草與心違乍逢酒客春遊慣久別林僧夜
坐稀昨日聞君到城闕莫將簪弁勝荷衣

閒園卽事寄陳公

言
欲就東林寄一身尚憐兒姪未成人柴門客去殘陽
在藥圃蟲喧秋雨頻近水方同梅市隱曝衣多笑阮
家貧深山蘭若何時到羨與閒雲作四鄰

題靈雲寺

春山古寺繞滄波石磴盤空鳥道過百丈金身開翠
壁萬龕燈焰隔烟蘿雲生客到侵衣濕花落僧禪覆
地多不與方袍同結社下歸塵世欲如何

九日登高○或作嚴維詩

詩家九日憐芳菊逐客高齋瞰浙江漁浦浪花搖素
壁西陵樹色入秋窻木奴向熟懸金實桑落新開瀉

玉缸四子醉時爭講德笑論黃霸屈爲邦

送曲山人歸衡州

白石先生眉髮光已分甜雪飲紅漿衣巾半染烟霞
氣語笑兼和藥草香茅洞玉聲流暗水衡山碧色映
朝陽十年城郭如相問華表峨峨有夜霜

送友人歸南海

耿 漳

遠別悠悠白髮新江潭何處是通津潮聲偏懼初來
客海味唯甘久住人漠漠煙光前浦晚青青草色定
山春汀洲更有南回鴈亂起聯翩北向秦

許州書情

詩宗

天甲集

言宗
不中集
謫宦軍城老更悲近來頻夜夢丹墀銀杯乍滅中心
火金鑷惟多兩鬢絲遠履綠苔聞鴈處滿庭黃葉閉
門時故人高步雲衢上肯念前程杳未期

題同官李明府書舍

崔峒

訟堂寂寂對烟霞五柳門前聚晚鴉流水聲中視公
事寒山影裏見人家觀風共美新為政計日還應更
觸邪可惜陶潛無限興不逢籬菊正開花

送韋八少府判官歸東京

玄成世業紫真官文似相如貌勝潘鴻鴈南飛人獨
去雲山一別歲將闌清淮水急桑林晚古驛霜多柿

葉寒瓊樹相思何日到銀鈎數字莫為難

贈元祕書

舊書稍稍出風塵孤客逢秋感此身秦地謬為門下
客淮陰徒笑市中也聞阮籍尋常醉見說陳平不
久貧幸有故人茅屋在更將心事問情親

訓諸公宿鏡水宅

嚴維

幸免低頭向府中貴將藜藿與君同陽鴈叫霜來枕
上寒山映月在湖中詩書何德名夫子草木推年長
數公間道漢家偏長少此身那比訪芝翁

登慈恩寺浮圖

章八元

言宗
不中集
七層突兀在虛空四十門開面面風却訝鳥飛平地
上自驚人語半天中回梯暗踏如穿洞絕頂初攀似
出籠落日鳳城佳氣合滿城春樹雨濛濛

會稽郡樓雪霽

張繼

江城昨夜雪如花野客登樓望霽華夏禹壇前仍聚
玉西施浦上更飛沙簾櫳向晚寒風度睥睨初晴落
景斜數處微明銷不盡湖山青暎越人家

上湖南崔中丞

戎昱

山上青松陌上塵雲泥豈合得相親世路盡嫌良馬
瘦惟君不棄臥龍貧千金未必能移姓一諾從來許

殺身莫通書生無感激寸心還是報恩人

江北春望贈皇甫補闕

張南史

閒園柳綠井桃紅野迳荒墟左右通清迴獨連江水
北芳菲更似洛城東時看雨歇人歸處每覺潮來樹
起風聞道金門堪濟世何須身與海鷗同

春山道中寄孟侍御

春來游子傷歸路時有白雲邀獨行水流亂赴石潭
響花發不知山樹名誰家魚網求鮮食何處人煙事
火耕昨日已嘗村酒熟一盃思與孟嘉傾

送賈校書東歸寄振上人

李益

言宗
北風吹鴈數聲悲况指前林是別時秋草不堪頻送
遠白雲何處更相期山隨匹馬行看暮路入寒城獨
去遲爲向東洲故人道江淹已擬惠休詩

鹽州過胡兒飲馬泉

綠楊着水草如煙舊是胡兒飲馬泉幾處吹笳明月
夜何人倚劔白雲天從來凍合關山路今日分流漢
使前莫道行人照容鬢恐驚憔悴入新年

同崔邠登鶴雀樓

鶴雀樓西百尺檣汀洲雲樹共茫茫漢家簫鼓空流
水魏闕山河半夕陽事去千年猶恨速愁來一日即

爲長風煙竝起思鄉望遠目非春亦自傷

醉後寄山中友人

于鵠

昨日山家春酒濃野人相勸久從容獨憶卸冠眠細
草不知誰送出淡松都忘醉後逢廉度不省歸時見
魯恭知己尚嫌身酩酊路人應恐笑龍鍾

送宮人入道

十五吹簫入漢宮看修水殿種芙蓉自傷白髮辭金
屋許着黃冠向雪峯解語老猿開曉戶學飛雛鶴落
高松定知別後宮中伴遙聽緱山半夜鍾

公子行

詩宗

八日集

少年初拜大長秋半醉垂鞭見列侯馬上抱雞三市
鬪袖中攜劍五陵遊玉簫金管迎歸院錦袖紅裝擁
上樓更向苑西新買宅月波春水入門流

平陵寓居再逢寒食

朱灣

幾迴江上泣途窮每遇良辰嘆轉蓬火燧知從新節
變灰心還與故人同莫聽黃鳥愁啼處自有花開久
客中貧病固應無撓事但將懷抱醉春風

宴楊駙馬山亭○或作韓翃詩

垂楊拂岸草茸茸繡戶簾前花重重繪下玉盤銀縷
細酒開金甕綠醅濃中朝駙馬何平叔南國詞人陸

士龍落日泛舟同醉處回潭百丈映千峯

越溪村居

戴叔倫

年來橈客寄禪扉多話貧居在翠微黃雀數聲催柳
變清溪一路踏花歸空林野寺經過少落日深山伴
侶稀負米到家春未盡風蘿閑掃釣魚磯

送張閣老中丞持節弔回鶻

權德輿

旌旆翩翩擁漢官君行常得遠人歡分職南臺知禮
重校書東觀見才難金章玉節鳴騶遠白草黃雲出
塞寒欲散別愁唯有酒慙煩賓從駐征鞍

田家即事

閒臥藜牀對落暉，
儻然復覺世情非。
漠漠稻花資旅食，
青青荷葉製儒衣。
山僧相勸期中飯，
漁父同遊或夜歸。
待學尚平婚嫁畢，
渚烟溪月共忘機。

荆帥

武元衡

金貂再入三公府，
錦帳連封萬戶侯。
簾捲青山巫峽曉，
雲凝碧樹渚宮秋。
劉琨坐嘯風生苑，
謝朓裁詩月滿樓。
白雪調高歌不得，
美人南國翠蛾愁。

都城蕭員外寄海棠花

羊士諤

按詩中語海棠花恐是曲名

珠履行臺擁附蟬，
外郎高步似神仙。
陳詞今見唐風

盛從事遙瞻魏國賢，
擲地好辭凌綵筆。
浣花春水膩魚牋，
東山芳意須同賞。
子着囊盛幾日傳。

赴武陵寒食次松滋渡

竇常

杏花榆莢曉風前，
雲際離離上峽船。
江轉數程淹驛騎，
楚曾三戶少人煙。
看春又過清明節，
算老重經癸巳年。
幸得枉山當郡舍，
在朝長咏卜居篇。

秋夕閒居對雨贈別盧七侍御

竇牟

燕燕辭巢蟬蛻枝，
窮居積雨壞藩籬。
夜長簷溜寒無寢，
日晏廚煙濕未炊。
悟主一言那可學，
從軍五百竟何爲。
故人駿馬朝天去，
洛下秋聲恐要知。

詩宗

中集

酬謝韋卿二十五兄俯贈

竇庠

大賢持贈一明珠蓬華初驚滿室光埋沒劍中生紫
氣塵埃瑟上動清商荆山璞在終應識楚國人知不
是狂莫恨伏轅身未老會將筋力見王良

西塞山懷古○一作金陵懷古

劉禹錫

西晉樓船下益州金陵王氣黯然收千尋鐵鎖沉江
底一片降旗出石頭人世幾回傷往事山形依舊枕
寒流今逢四海爲家日故壘蕭蕭蘆荻秋

荆門道懷古

南國山川舊帝畿宋臺梁館尚依稀馬嘶古樹行人

歇麥秀空城野雉飛風吹落葉填宮井火入荒陵化
寶衣徒使詞臣庾開府咸陽終日苦思歸

松滋渡望峽中

渡頭輕雨灑寒梅雲際溶溶雪水來夢渚草長迷楚
望夷陵土黑有秦灰巴人淚應猿聲落蜀客船隨鳥
道迴十二碧峯何處所永安宮外有荒臺

同樂天送河南馮尹學士之任

可憐五馬風流地整綴金貂侍從才閣上掩書劉向
去門前修刺孔融來峻陵路靜寒無雨洛水橋長畫
起雷却羨府中棠棣好先於城外百花開

贈日本僧智藏

浮杯萬里過滄溟遍禮名山適性靈
淡夜降龍潭水黑新秋放鶴野田青
身無彼我那懷土心會真如不讀經
為問中華學道者幾人雄猛得寧馨

奉送浙西李僕射赴鎮

建節東行是舊遊歡聲喜氣滿吳州
郡人重得黃丞相童子爭迎郭細侯
詔下初辭溫室樹夢中先到景陽樓
自憐不識平津路遙望旌旗汝水頭

送張源中丞充新羅冊立使

相門才子稱華簪持節東行捧德音
面帶霜威辭鳳

關口傳天語到雞林烟開鼇背千尋碧
日落鯨波萬頃金想見扶桑受恩後一時
西拜盡傾心

送蘄州李郎中赴任

楚關蘄水路非賒東望雲山日夕佳
薤葉照人呈夏簟松花滿椀試新茶樓中
飲興因明月江上詩情為晚霞北地交
親長引領早將玄髮到京華

哭呂衡州時予方謫居

一夜霜風凋玉芝蒼生絕望士林悲
空懷濟世安人略不見男婚女嫁時
遺草一函歸太史旅墳三尺近要離朔
方徙歲行當滿欲為君刊第二碑

漢壽城春望

漢壽城邊野草春，荒祠古墓對荆榛。
田中牧豎燒芻狗，陌上行人看石麟。
華表半空驚霹靂，碑文纔見滿埃塵。
不知何日東瀛變，此地還成要路津。

赴蘇州訓別樂天

吳郡魚書下紫宸，長安廢吏送朱輪。
二南風化承遺愛，八咏聲名躡後塵。
梁氏夫妻爲寄客，陸家兄弟是州民。
江城春日追遊處，共憶東都舊主人。

再受連州至衡陽酬贈別

鼓吹作柳宗元詩
去國十年同赴召，湘江千里又分歧。
重臨事異黃丞

相三黜名慚柳士師，歸目併隨回鴈盡。
愁腸正遇斷猿時，桂江東過連山下。
相望長吟有所思。

懷妾

三山不見海沉沉，豈有仙蹤更可尋。
青鳥去時雲路斷，嫦娥歸處月宮深。
紗窓遙想春相憶，書幌誰憐夜獨吟。
料得夜來天上鏡，只應偏照兩人心。

和牛相公春日閒望

官曹崇重難頻入，第宅清幽且獨行。
塔蟻相逢如偶語，園蜂遠去恐違程。
人於紅藥偏憐色，鶯到垂楊不
惜聲。東洛池臺恐拋擲，移文非久會應成。

同白二十二贈王山人

愛名之世亾名客多事之時無事身古老相傳見來
久歲年雖變貌長新飛章上達三清路受籙平交五
嶽神笑聽蓼蓼朝暮鼓只能催得市朝人

訓太原狄尚書見寄

家聲烜赫冠前賢時望穹崇鎮化邊身上官銜如座
主幕中談笑取同年幽并俠少趨鞭弭燕趙佳人奉
管絃仍把天兵書號筆遠題長句寄山川

柳絮

飄颺南陌起東隣漠漠濛濛暗度春花巷暖隨輕舞

蝶玉樓晴拂豔妝人縈回謝女題詩筆點綴陶公漉
酒巾何處好風偏似雪隋河堤上古江津

巫山神女廟

巫山十二鬱蒼蒼片石亭亭號女郎曉霧乍開疑卷
幔山花欲謝似殘粧星河好夜開清佩雲雨歸時帶
異香何事神仙九天上人間來就楚襄王

登柳州城樓寄漳汀封連四州刺史

柳宗元

城上高樓接大荒海天愁思正茫茫驚風亂颭芙蓉
水密雨斜侵薜荔牆嶺樹重遮千里目江流曲似九

言宗
迴腸共來百越文身地猶自音書滯一鄉

別舍弟宗一

零落殘魂倍黯然雙垂別淚越江邊一身去國六千里萬死投荒十二年桂嶺瘴來雲似墨洞庭春盡水如天欲知此後相思夢長在荆門郢樹烟

衡陽與夢得分路贈別

十年顛顛到秦京誰料翻爲嶺外行伏波故道風煙在翁仲遺墟草樹平直以慵疎招物議休將文字占時名今朝不用臨河別垂淚千行便濯纓

柳州寄丈人周韶州

越絕孤城千萬峯空齋不語坐高春印文生綠經旬合硯匣留塵盡日封梅嶺寒煙藏翡翠桂江秋水露鰓鱗丈人本自忘機事爲想年來顛顛容

得盧衡州書因以詩寄

臨蒸且莫歎炎方爲報秋來鴈幾行林邑東回山似戟牂柯南下水如湯蒹葭浙瀝合秋雨橘柚玲瓏透夕陽非是白蘋洲畔客還將遠意問瀟湘

嶺南郊行

瘴江南去入雲煙望盡黃茅是海邊山腹雨晴添象迹潭心日暖長蛟涎射工巧伺遊人影颺母偏驚旅

詩宗
客船從此憂來非一事豈容華髮待流年

柳州峒氓

郡城南下接通津異服殊音不可親青箬裏鹽歸洞
客綠荷包飯趁墟人鵝毛禦臘縫山罽雞骨占年拜
水神愁向公庭問重譯欲投章甫作文身

楊尚書寄柳筆

截玉銛錐作妙形貯雲含霧到南溟尚書舊用裁天
詔內史親將寫道經曲藝豈能裨損益微辭祇欲播
芳馨桂陽卿月光輝遍毫末應傳顧兔靈

同劉二十八哭呂衡州兼寄江陵李元二侍御

衡嶽新摧天柱峯士林顛顛泣相逢祇令文字傳青
簡不使功名上景鐘三畝空畱懸磬室九原猶記若
堂封遙想荊州人物論幾回中夜惜元龍

奉和庫部盧四兄曹長元日朝迴 韓愈

天仗宵嚴建羽旄春雲送色曉雞號金爐香動螭頭
暗玉珮聲來雉尾高戎服上趨承北極儒冠列侍映
東曹太平時節難身遇郎署何須笑二毛

和水部張員外宣政殿賜百官櫻桃詩

漢家舊種光明殿炎帝還書本草經豈似滿朝承雨
露共看傳賜出青冥香隨翠籠擎初到色映銀盤寫

言宗
未停食罷自知無所報空然愧汗仰皇局

次鄧州界

潮陽南去倍長沙戀闕那堪又憶家心訝愁來惟貯
火眼知別後自添花商顏暮雪逢人少鄧鄙春泥見
驛賒早晚王師收海嶽普將雷雨發萌芽

左遷至藍關示姪孫湘

一封朝奏九重天夕貶潮州路八千欲爲聖明除弊
事肯將衰朽惜殘年雲橫秦嶺家何在雪擁藍關馬
不前知汝遠來應有意好收吾骨瘴江邊

廣宣上人頻見過

三百六旬長擾擾不衝風雨卽塵埃久慙朝士無裨
補空愧高僧數往來學道窮年何所得吟詩竟日未
能迴天寒古寺遊人少紅葉窻前有幾堆

去歲自刑部侍郎以罪貶潮州刺史乘驛赴任
其後家亦譴逐小女道死殯之層峯驛旁山下
蒙恩還朝過其墓畱題驛梁

數條藤束木皮棺草殯荒山白骨寒驚恐入心身已
病扶舁沿路衆知難繞墳不暇號三帟設祭唯聞飯
一盤致汝無辜由我罪百年慙痛淚闌干

酬于駙馬

楊巨源

綺陌塵香曙色分碧山如畫又逢君蛟藏秋月一片
水驥鎖晴空千尺雲城里舊知何駙馬詩家今得鮑
參軍陽和本是烟霄曲須向花間次第聞
芳時碧落心應斷今日清詞事不同瑤草秋殘仙圃
在彩雲天遠鳳樓空晴花暖送金羈影涼葉寒生玉
簟風長得聞詩歡自足會看春露濕蘭叢

贈張將軍

關西諸將揖容光獨立營門劍有霜知愛魯連歸海
上肯令王翦在頻陽天晴紅幟當山滿日暮清笳入
塞長年少功高人最羨漢家壇樹月蒼蒼

送澹公歸嵩山龍潭寺葬本師

野煙秋水滄茫遠禪境眞機去住閑雙樹爲家思舊
壑千花成塔禮寒山洞宮曾向龍邊宿雲徑應從鳥
外還莫戀本師金骨地空門無處復無關

長安春遊

鳳城春報曲江頭上客年年是勝遊日暖雲山當廣
陌天清絲管在高樓龍蔥樹色分仙閣縹緲花香汎
御溝桂壁朱門新邸第漢家恩澤問鄼侯

述舊紀勳寄太原李光顏

倚天長劍截雲孤報國縱橫見丈夫五載登壇眞宰

相六重分閫正司徒曾聞轉戰平堅寇共說題詩壓
腐儒料敵知幾在方寸不勞心力講陰符

酬竇大閑居見寄

房儒復

來自三湘到五溪青楓無樹不猿啼名慚竹使宦情
少路隔桃源歸思迷鵬鳥賦成知性命鯉魚書至恨
睽攜煩君強着潘年比騎省風流詎可齊

送友人下第東歸

陳羽

五陵春色泛花枝心醉花前遠別離落第恥爲關右
客成名空羨里中兒都門雨歇愁分處山店燈殘夢
到時家住洞庭多釣伴因來相賀語相思

長安臥病秋夜言懷○或作盧綸詩

九重門鎖禁城秋月過南宮漸映樓紫陌夜淡槐露
滴碧空雲淨火星流清風刻漏傳三殿甲第歌鍾樂
五侯楚客病來鄉思苦寂寥燈下不勝愁

新除水曹郎答白舍人

張籍

年過五十到南宮章句無名荷至公黃紙開呈丞相
後朱衣引入謝班中諸曹縱許爲仙侶羣吏多嫌是
老翁幸有紫薇郎見愛獨稱官與古人同

題韋郎中新亭

起得幽亭景復新碧莎池上更無塵琴書看盡猶嫌

少松竹栽多亦稱貧藥酒欲開期好客朝衣暫脫見
閒身成名同日官連署此處經過有幾人

贈趙將軍

當年膽略已縱橫每見妖星氣未平身貴早登龍尾
道功高自破鹿頭城尋常得對論邊策委曲承恩掌
內兵會取安西將報國凌烟閣上大書名

早春午門西望

王建

百官朝下午門西塵起春風滿御堤黃帕蓋鞍呈過
馬紅羅纏項鬪回雞館松枝重墻頭出渠柳條長水
面齊惟有教坊南草色古城陰處冷淒淒

贈王樞密

建與內侍王守澄盡宗人之分後頗侵誘忽
於酒飲間語及桓靈時信任中官之禍樞密
詰曰淡憾吾弟宮詞天下皆誦然禁掖深邃
何以知之與孔光不言溫室樹何異事當推
訊建不能對作此詩解之

三朝行坐鎮相隨今上春宮見長時脫下御衣先賜
着進來龍馬每教騎長承密旨歸家少獨奏邊機出
殿遲不是大家頻向說九重爭得外人知

上陽宮

言宗
上陽花木不曾秋
洛水穿宮處處流
畫閣紅樓宮女笑
玉簫金管路人愁
慢城入澗
橙花發玉輦
登山桂葉稠
曾讀列仙王母傳
九天未勝此中游

閒說

桃花百葉不成春
鶴筭千年也未神
秦隴洲緣鸚鵡貴
王侯家爲牡丹貧
歌頭舞面迴迴別
鬢樣眉心日日新
鼓動六街騎馬出
相逢總是學狂人

贈閻少保

髭鬚雖白體輕健
九十三來却少年
問事愛知天寶裏
識人多是武皇前
玉裝劍佩身長帶
絹寫方書子

不傳侍女常時教
合藥亦聞私地學
求仙

周家溪亭

少年因病離天仗
乞得歸家自養身
買斷竹溪無別主
散分泉水與新鄰
山頭虎下長驚犬
池面魚行不怕人
鄉使到門常款語
還聞世上有功臣

題花子贈陳判官

膩如雲母輕如粉
豔勝香黃薄勝蟬
點綠斜蒿新葉嫩
添紅石竹晚花鮮
鴛鴦比翼人初帖
蛺蝶重飛樣未傳
况復蕭郎有情思
可憐春日鏡臺前

同遊降聖觀

言宗 八甲集
秦時桃樹滿山坡騎鹿先生降大羅路盡溪頭逢地
少門連內裏見天多荒泉壞簡朱砂暗古塔殘經篆
字訛聞說開元齋醮日曉移行漏帝親過

晚秋病中

萬事風吹過耳輪貧兒活計亦曾聞偶逢新語書紅
葉難得閒人話白雲霜下野花渾著地寒來溪鳥不
成羣病來體痛無心力夏被頭邊藥氣薰

江陵卽事

瘴雲梅雨不成泥十里津樓壓大堤蜀女下沙迎水
客巴童傍驛買山雞寺多紅葉燒人眼地足青苔染

馬蹄夜半獨眠愁在遠北看歸路隔蠻溪

故梁國公主池亭

平陽池館枕秦川門鎖南山一朵烟素奈花開西子
面綠榆枝散沈郎錢裝簷玳瑁隨風落傍岸鷓鴣逐
暖眠寂寞空餘歌舞地玉簫聲絕鳳歸天

尋郭道士不遇

白居易

郡中乞暇來相訪洞裏朝元去不逢看院只畱雙白
鶴入門唯見一青松藥爐有火丹應伏雲碓無人水
自春欲問參同契中事未知何日得相從

清明望洛城贈韓道士

詩宗

八甲集

風光烟火清明日歌哭悲歡城市間何事不隨東洛水誰家又葬北邙山中橋車馬長無已下渡舟航亦不閒塚墓纍纍人擾擾遼東悵望鶴飛還

春盡日宴罷感事獨吟

五年三月今朝盡客散筵空獨掩扉病與樂天相伴住春隨樊子一時歸閑聽鶯語移時立思逐楊花觸處飛金帶縫腰山委地年年衰瘦不勝衣

閒居春盡

閑泊池舟靜掩扉老身慵出客來稀愁因暮雨留教住春被殘鶯喚遣歸揭甕偷嘗新熟酒開箱試着舊

生衣冬裘夏葛相催促垂老光陰速似飛

和談校書秋有感懷呈朝中親友

遙夜涼風楚客悲清砧繁漏月高時秋霜似鬢年空長春草如袍位尚卑詞賦擅名來已久煙霄得路去何遲漢廷卿相皆知已不薦揚雄欲薦誰

夜宴惜別

笙歌矯旋曲終頭轉作離聲滿座愁箏怨朱絃從此斷燭啼紅淚爲誰流夜長似歲歡空盡醉未如泥飲莫休何況雞鳴卽須別門前風雨冷脩脩

天津橋

津橋東北斗亭西到此令人詩思迷
眉月晚生神女浦臉波春
恂窈娘堤柳絲嫋嫋風綵出
草縷茸茸雨剪齊報道前驅少
呼喝恐驚黃鳥不成啼

得微之到官後書備知通州之事
悵然有感

來書子細說通州州在山根峽岸頭
四野千重火雲合中心一道瘴江流
蟲蛇白晝攔官道蚊蝻黃昏撲郡侯
何罪遣君居此地天高無處問來由
匱匣巔山萬仞餘人家應似甌中居
寅年籬下多逢虎亥日沙頭始賣魚
衣斑梅雨長須熨米澀畝田不解
鉏努力安心過三考已曾愁殺李尚書

人稀地僻醫巫少夏旱秋霖瘴瘡多
老去一身須愛惜別來四體得如何
侏儒飽笑東方朔蕙苾讒憂馬伏波
莫遣沈愁結成病時時一唱濯纓歌

解蘇州自喜

自喜天教我少緣家徒行計兩翩翩
身兼妻子都三口鶴與琴書共一船
僮僕減來無冗食資糧筭外有餘錢
攜收貯作丘中費猶免飢寒待幾年

杭州

餘杭形勝世間無州傍青山縣枕湖
遶郭荷花三十里拂城松樹一千株
夢兒亭古傳名謝教妓樓前道

詩宗

六甲集

姓蘇獨有使君年老太風流不稱白髭鬚

守蘇答客問杭州

為我踟躕停酒盞與君約略說杭州山名天竺惟青
黛湖號錢塘瀉綠油大屋簷多裝鴈齒小航船亦畫
螭頭所嗟水路無三百官繫何因得再遊

寄太原李相公

聞道北都今一變政和軍樂萬人安綺羅二八圍賓
榻組練三千夾將壇蟬鬢應誇丞相少貂裘不覺太
原寒世間大有虛榮貴百歲無君一日歡

喜罷郡

五年兩郡亦堪嗟偷出游山走看花自此光陰為已
有從前日月屬官家樽前免被催迎使枕上休聞報
坐衙睡到午時歡到夜迴看官職是泥沙

歲日家宴戲示弟姪兼呈張侍御殷判官

弟妹妻孥子姪甥嬌癡弄我助歡情歲盞後推藍尾
酒春盤先進膠牙餠形骸老倒雖堪嘆骨肉團圓亦
可榮猶有誇張少年處笑呼張丈喚殷兄

正月三日閒行

黃鸝巷口鶯欲語烏鵲橋頭冰欲銷綠浪東西南北
水紅欄三百九十橋鴛鴦蕩漾雙雙翅楊柳交加萬

萬條借問春風來早晚只從前日到今朝

冬至夜

老去襟懷常濩落病來鬚鬢轉蒼浪心灰不及爐中
炭鬢雪多於砌下霜三峽南賓身最遠一年冬至夜
偏長今宵始覺房櫳冷坐索寒衣泥盂光

八月十五夜禁中寓直寄元四稹

銀臺金闕靜沉沉此夕相思在禁林三五夜中新月
色二千里外故人心渚宮東面烟波冷浴殿西頭鐘
漏淡猶恐清光不同見江陵地溼足秋陰

戊申歲暮咏懷

唯生一女纔十二祇欠三年未六旬婚嫁累輕何怕
老飢寒心慣不憂貧紫泥丹筆皆經手赤紱金章盡
到身更擬踟躕更何事不歸嵩洛作閒人

眼病

散亂空中千片雪蒙籠物上一重紗縱逢晴景如看
霧不是春天亦見花僧說客塵來眼界豎言風眩在
肝家兩頭治療何曾差藥力微茫佛力賒
眼藏損傷來已久病根牢固去應難醫師盡勸先停
酒道侶多教早罷官案上謾鋪龍樹論合中虛撚沒
明丸人間方藥應無益爭得金篦試刮看

過元家履信宅

雞犬喪家分散後，林園失主寂寥時。
落花不語空辭樹，流水無情自入池。
風蕩醜船初破漏，雨淋歌閣欲傾欹。
前庭後院傷心事，唯是春風秋月知。

自河南經亂關內阻飢兄弟離散各在一處因望月有感聊書所懷

時難年荒世業空，弟兄羈旅各西東。
田園寥落千戈後，骨肉流離道路中。
弔影分爲千里鴈，辭根散作九秋蓬。
共看明月應垂淚，一夜鄉心五處同。

城上夜宴

留春不住登城望，惜夜相將秉燭遊。
風月萬家河兩岸，笙歌一曲郡西樓。
詩聽越客吟何苦，酒被吳娃勸不休。
縱道人生都是夢，夢中歡笑亦勝愁。

和樂天早春見寄

元稹

雨香雲淡覺微和，誰送春聲入櫂歌。
萱近北堂穿土早，柳偏東面受風多。
湖添水色消殘雪，江送潮頭湧漫波。
同受新年不同賞，無由縮地欲如何。

以州宅誇於樂天

州城迴遶拂雲堆，鏡水稽山滿眼來。
四面常時對屏障，一家終日在樓臺。
星河似向檐前落，鼓角驚從地

底回我是玉皇香案吏謫居猶得住蓬萊

寄樂天

榮辱升沈影與身世情誰是舊雷陳唯應鮑叔偏憐
我自保曾參不殺人山入白樓沙苑暮潮生滄海野
塘春老逢佳景惟惆悵兩地各傷無限神

訓樂天得稹所寄綠絲布白輕襦服以詩報之
湓城萬里隔巴庸紵薄綈輕共一封腰帶定知今瘦
小衣衫難作遠裁縫近愁書到炎涼變忽見詩來意
緒濃春草綠茸雲色白想君騎馬好儀容

嶺南道中

李德裕

嶺水爭流路轉迷枕椰椰葉暗蠻溪愁衝毒霧逢蛇
草叢落沙蟲避燕泥五月畬田收火米三更津吏報
潮雞不堪腸斷思鄉處紅槿花中越鳥啼

入泗口

李紳

洪河一派清淮接堤草蘆花萬里秋烟樹蒼茫分楚
澤海雲明滅見揚州望淡江漢連天遠思起鄉關滿
眼愁惆悵路歧真此處夕陽西沒水東流

晏安寺

寺淡松桂無塵事地接荒郊帶夕陽嗁鳥歇時山寂
寂野花殘處月蒼蒼碧紗凝豔開金像清梵銷聲閉

竹房丘隴漸平連茂草九原何處不心傷

和趙相公登鶴雀樓

殷堯藩

危樓高架次寥天上相閑登立綵旃樹色到京三百
里河流歸漢幾千年晴峯聳日當周道秋穀垂花滿
舜田雲路何人見高志最看西面赤闌前

洛陽感寓

張祐

擾擾都城曉四開不關名利也塵埃千門甲第身遙
入萬里銘旌死後來洛水暮烟橫莽蒼邛山秋日露
崔嵬須知此事堪爲鏡莫遣黃金謾作堆

送葉秀才

王初

俊騎瓊瓏刻玉羈河梁返照上征衣層冰春近蟠龍
起九澤雲間獨鶴飛行想北山清夢斷重游西洛故
人稀漢廷狗監淡知己有日前驅負弩歸

銀河

閭闔疎雲漏絳津橋頭秋鴈鵲飛頻猶殘僊媛滌裙
水幾見星妃度韞塵歷歷素榆飄玉葉涓涓清月溼
冰輪年來若有乘槎客爲弔波靈是楚臣

早秋寄題天竺靈隱寺

賈島

峯前峯後寺新秋絕頂高牕見沃州人在定中間蟋
蟀鶴曾棲處挂欄猴山鐘夜度空江水汀月寒生古

石樓心憶懸帆身未遂謝公此地昔曾遊

訓張籍王建

疎林荒宅古坡前久住還應太守憐
漸老更思溪處隱多閒數得上方眠
鼠拋貧屋收田日鴈度寒江擬雪
天身事龍鍾應是分水曹芸閣往來篇

贈牛山人

二十年中餌茯苓收書半是老君經
東都舊住商人宅南國新修道士亭
鑿石養蜂須買蜜坐山秤藥不爭星
古來隱者多能卜欲就先生問丙丁

送源中丞使新羅

姚合

丹墀名對使殊方官重霜臺紫綬光
玉節在船清海怪金函開詔拜夷王
雲晴漸覺山川異風便那知道路長
誰得似君將雨露海東萬里洒扶桑

賞春

閒人祇是愛春光迎得春來喜欲狂
買酒怕遲令走馬看花嫌遠自移床
嬌鶯語足方離樹戲蝶飛高始過牆
顛倒醉眠三四日人間萬事不思量

送崔約下第歸揚州

滿座詩人吟送酒離城此會亦應稀
春風下第時稱屈秋卷呈親自束歸
日晚山花當馬落天陰水鳥傍

言宗
船飛江邊道路多苔蘚塵土無由得上衣

贈王尊師

先生自說瀛洲路多在青松白石間海岸夜中常見
日仙宮淡處却無山犬隨鶴去游諸洞龍作人來問
大還今日偶聞塵外事朝簪未擲復何顏

題薛十二池○一作王建詩

每日樹邊消一日遶池行過又須行異花多是非時
有好竹皆當要處生斜豎小橋看鳥勢遠移幽石作
泉聲浮萍着岸風吹歌水面無塵晚夏清

晚題江館

周賀

病寄曲江居帶城傍門孤柳一蟬鳴澄江月上見魚
擲晚逕葉多聞犬行越島夜無侵閣影寺鍾涼有隔
原聲故園盡賣休歸去潮水秋來空自平

夜放歸華山因寄幕府

蘇廣文

山村寥落野人稀竹裏衡門掩翠微溪路夜隨明月
入亭臯春伴白雲歸愁康嬾慢仍耽酒范蠡逋逃又
拂衣汀畔數鷗閒不起只應知我也忘機

自商山宿陶令隱居○品彙作僧處一詩

聞說花園堪避秦幽尋數日不逢人煙霞洞裏無雞
犬風雨林間有鬼神黃公石上三芝秀陶令門前五

言
柳春醉臥白雲間入夢不知何物是吾身

過張祐處士丹陽故居

顏 萱

憶昔爲兒逐我兄曾騎竹馬拜先生書齋已換當時
主詩壁空題故友名豈是爭權畱怨敵可憐登路盡
公卿柴扉草屋無人問猶向荒田野地征

詩宗申集卷十八



